



KOMUNIKADO PA PRENSA

Fecha

28 di sèptèmber 2018

Persona di kontakto

Jhanirha Da Costa Gomez

Email

jhanirha.ania@gobiernu.cw

Riba World Maritime Day:

Outoridat Marítimo di Kòrsou a lansa su website renobá

www.maritimecuracao.org

Willemstad – Outoridat Marítimo di Kòrsou (MAC) a lansa su website renobá

www.maritimecuracao.org riba 27 di sèptèmber 2018. Riba e website aki, bishitantenan por risibí tur informashon di e historia i tareanan di e organisashon, servisionan ku MAC ta duna na e sektor, notisia i aktividatnan, preguntanan frekvente, i hopi mas. Bishita e website aki i keda bon informá!

Di 24 pa 27 di sèptèmber 2018, Kòrsou i otro paisnan rònt mundu ta selebrá e siman Internashonal di Mundu Marítimo. Esaki ta kulminá riba Dia Internashonal di Mundu Marítimo, esta e djaweps 27 di sèptèmber. Tur aña e Organisashon Internashonal Marítimo (IMO) ta selebrá Dia Internashonal Marítimo '(International Maritime Day). Kada aña IMO ta para ketu na un otro tópiko di importansia pa e mundu marítimo. E tópiko di e aña aki ta "IMO 70: Our Heritage – Better Shipping for a Better Future". IMO ta para ketu riba 70 aña di eksistensia di e organisashon kual ta un bon oportunitat pa evaluá pasado i prepará pa futuro.

MAC a skohe e fecha di 27 di sèptèmber pa lansa su website renobá komo parti di e selebrashon di e dia importante aki. Minister Jesus-Leito ta satisfecho ku un logro positivo pa e organisashon aki.